

Аральск района загъсна салгт

Казахск ССР-н Кзыл-Ординск областин Аральск района Узун-Каирин загъсна салгт кесг олн хальмгуд кӧдлнӧ.

Эн салгт кӧдлдж йовх хальмг загъсчнр Кӧкӧн Сака, Санъгъджин Нимгр, Джанан Санъка болн нань чигн кесг улс тӱрӱн нӱурт йовдж, ӧдрин даалгъвран 180-190 процент кӱрглж кӱцӧнӧ. Салгин кӧдлмшчнр Сакан Ц., Нимгра Н., Манджин Н., Нимгра В. болн Дорджин А. ахта багъчуд бас эднӧ с ард ӱлдлж йовхмн уга. Ода ӧдра зурагъан эдн 200—210 процентд кӱцӧнӧ. Эдн цугъар загъсна салгас ӱнтӧ мӧрӧгъӧр ачлгдцхав.

Салгин ах тооч Нарна Ц. болн дарук тоочнь Сакан Ӱлмдж хойр, 1958 джилӧ то-дигӧн ӱзмджтӧгъӧр болн цаглань кедж ӧгсндӧн, Аральск загъсна трестӧс мӧнӱгнӧ мӧрӧгъӧр ачлгдад, Кӱндллгънӧ доскд нерднь орцхав.

Хол хасгин орн-нутгт йовсн мана ахнр-дӱӱнр олна кергин тӧлӧ кӱчн-чидлӧн ӧгч, кӧдлмшин ӱлгӱр ӱзӱлдж йовцхана.

ЛАГАН Лидж.